


Il luf – denter fascinaziun e sfida

Per la survigilonza dil luf ha igl Uffeci da catscha e pesca dil cantun in monitoring extendiu

DA HANS HUONDER / FMR

■ Neginas regiuns el Grischun ein stadas pertuccadas aschi fetg dil luf ils davos meins sco la part sut dalla Surselva. La stad ein luſ d'entochen treis tropſ stai presents leu. Quei ei ina reschnova situazion per la survigilonza da catscha, ils purs e catschadurs. Igl uffeci da catscha e pesca ha extendiu il monitoring dil luf, denter auter cun fototrapas. Era la survigilonza ha buca viu savens il luf. «Ei dependa nua ch'el ei gest e con bia cletg ch'ins ha», di il guardiaselvaschina *Arnold Caminada* da Vrin en in'intervista culla FMR.

Mintga luf hagi in agen caratter ed ils giuvens seigien leutier marviglius. Per quei motiv seigi ei impurtont d'impedir ch'els anflien vivonda els vitgs. Caminada appellescha alla prudentscha: «Ella situazion actuala, culla preschientscha dils luſ en Surselva, eis ei impurtont che nus collaboreschien per aschia contonscher bunas soluziuns pigl avegnir. Ei pretenda la collaboraziun dalla populaziun, sco era dil turissem,



Luſ registrai cun ina fototrapla dalla survigilonza da catscha en Surselva.

MAD

l'agricultura ni il forestaless.» Tenor Caminada fa igl uffeci da catscha e pesca tut il pusseivel per informar bein e spert ils directamein pertuccai, per exemplil ils

purs. Il contact cun quels seigi buns. «Leu nua ch'il luf ei ei il se-depurtar dalla selvaschina semidaus», constatescha el plinavon. Il luf seigi denton era buns da tener

sauna la selvaschina. Quei seigi impurtont per populaziuns intac-tas.

➤ PAGINA 3

«Mintga luf ha siu agen character»

La preschientscha dil luf caschuna in tschuat lavur alla survigilonza da catscha

CUN ARNOLD CAMINADA
HA HANS HUONDER / FMR DISCURRIU

Dapi ch'il luf ei presents e sederasa ha la survigilonza da catscha dil cantun Grischun novs ed ulteriurs pensums. La preschientscha digl animal ei ina sfida, buc il davos era en connex cun ils donns ch'el caschuna vid animals da casa. Ina persuna ch'ei fetg engaschada il mument en quei grau ei il guardiaselvaschina Arnold Caminada da Vrin. Sco cau dil district da catscha dil Glogn eis el confruntaus cullas pli differentas situaziuns che pertuccan il luf.

Arnold Caminada, la preschientscha dil luf ei cumbinada cun lavur supplementara per la survigilonza da catscha. Tgei incumbensas sedattan en quei connex; tgei ei per vus niev ed auter?

Arnold Caminada: Ella situaziun actuala ei il monitoring pli extendius. L'entira survigilonza sur dil luf, sur dils trop, nua ch'il spazi da viver ed ils cunfins dils differents trop ein, succeda denter auter cun agid da fototraplas. In'autra incumbensa ei da registrar ils donns tier animals da casa. Nus cusseglielin, sustenin ed empruein da quietar ils pertuccai. Ultra da quei prendein nus differentas mesiras per impedir donns el futur, per exemplu enten spuentar cun schluppetar. Aschia sedattan denton era malempereinvladads sco emozions aggressivas cun dar la cuolpa a nus. Buca tutta glieud sa che nus digl uffeci da catscha e pesca essan buca per ed era buc encunter il luf. Il luf ei in animal selvadi che s'auda tier la lavur dil mintgadi. Nies pensum ei da survigilar e controllar. El mender cass per eliminar – tut tenor las leschas vertentes. Da l'autra vart porscha la nova situaziun entras ils lufs fetg interessantas enconscienschas. Aschia procura el per exemplu che la selvaschina – sco per exemplu las tscharvas – resti sauna e fita. Ni ch'el eliminescha animals malsaus e fleivels.

In monitoring extendiu

Ei la survigilonza occupada il mument pli fetg cul luf che cun auters pensums?

Quei san ins buca dir aschia. Nossa lavur ei immens vasta. Jeu creiel ch'ei detti negins auters mistregns nua che las lavurs ein aschi numerosas e differentas

sco tier il/la guardiaselvaschina. Perquei tschentein nus prioritads. Tut tenor stagiun ei quei igl atun las differentas catschas, la primavera las dumbraziuns ni per exemplu igl unviern la survigilonza dallas zonas da ruaus. Nossas lavurs van navan da prender posiziun tier projects da baghegiar entochen tier lavurs scientificas, navan da pesca entochen tiel schurmetg da fauna e flora periclitada.

Igl onn vargau han treis famiglias da lufs ed eventualmein aunc singuls lufs teniu en pei la survigilonza da catscha dalla Foppa/Lumnezia/Val S. Pieder. Co sedeportan ils lufs la stad ed igl atun, respectivamein unviern e primavera? Dat ei differenzas en quellas stagions?


Il luf mantegn sauna la selvaschina

Ils lufs ein leu nua che la preda principala – tscharvas e cavreuls – ei. Stad ed atun ei quei ella periferia. Igl unviern e la primavera denton suondan els la preda ed ein savens el contuorn da loghens habitai pli a funs ella val. Perquei eis ei fetg impurtont ch'ils lufs possien buca tier vivonda els vitgs. Seigi quei en fuorma da preda – il cumpost carmala tscharvas e cavreuls en curtgin – ni en fuorma da deponer maglia, metter estga ni dismetter restonzas dalla tschavera, schar ordaviert il da magliar per gats ni tgauns – era buca tier las stallas – ni deponer sacs da rumien.

In animal spuretg

Tgei experientschas ba la survigilonza da catscha fatg cul luf, concret: Con stedi haveis vus viu lufs e co se-deportan quels?

Il luf ves'ins buc aschi stedi. Ei dependa nua ch'el ei gest e con bia cletg ch'ins ha. Mintga luf ha siu agen character, empau sco tiel carstgaun. Ils Indians dian «frar» al luf. Forsa buca perquei ch'els han aschi bugen el, mobein perquei ch'il luf ei semeglionts. Il luf ei in animal fetg fascinont. Sch'el magliass jarvas ni lenna enstagl carn havessen tuts bugen el. Ils lufs che nus havein viu ed entupau



Il guardiaselvaschina Arnold Caminada e ses collaborators ein occupai il mument intensivamein cul luf.

MAD

entochen uss ein adina stai spuretg ed ein fugi. Las sentupadas ein mintgama stadas fetg cuortas. Ei ha mai dau situaziuns prigulusas. Lufs giuvens ein denton marvigilius. A lezs eis ei impurtont ch'ins detti mai da magliar ed animeschi era buca da far da tup cun ins.

Tgei effect ban tons lufs sil cumpor-tament dalla selvaschina?

Leu nua ch'il luf ei ei il secuntener se-gir semidaus per part. Ils camutschs seretilan spert en ina preit crap, leu ha il luf negina schanza da far preda. Las tscharvas setegnan si en marighels cun la strategia da svivier: Lu tschappa il luf tei enstagl mei.

Ins sto denton era saver ch'il luf mantegn sauna la selvaschina. E forsa era ch'il luf ha fatg la tscharva el decouros dall'evoluziun aschia sco ell'eis ussa. Saunas populaziuns d'animals selvadis ein fetg impurtontas era pil beinstar dalla glieud ed era dils animals da casa. Lufs scarpan era uolps e schacals mellens, peglian miurs, denton maglian els era in ton puma e fregts.

Pon ins constatar ch'il diember da cavreuls, camutschs e tscharvas ei se-reducius en connex cul luf ni co sa-vess quei veser ora futuramein cun tons lufs?

Il contact ei ulti stretg e buns. Quei contact funcziona principalmein cun discorer. Denton dat ei era autres pussevladads sur plattaformas d'informazion electronicas. Impurtont ei da prender serius la tematica ed informar objectivamein, senza polemica che porta la finfinala nuot. En quella nova situaziun eis ei impurtont che tuts cumpigliai collaboreschien. Lu dat ei bunas soluziuns. Dar la cuolpa in a l'auter ei mo duvravu energia e porta mo dagrettas e malcontentienscha a tuts involvi.

Il contact culs purs ei buns

Da purs ei vegniu pretendiu il davos temps ch'ei seigi vegniu scumandau ad els da semetter en contact cullas medias quei mument ch'els hagien donns entras il luf. Da tgi vegn in tal scamond?

Talas pretensiuns ein deplazzadas e constattan da miu saver buc. Jeu saiel buca da tgi che quei vegn, seigir buca dugl uffeci da catscha e pesca.

Denton astgan ins buca sutschazejar la pussonza ed influenza da grondas medias. Igl effect ei savens quel che quella pussonza vegn malduvrada per far schliet saung.

Orientaziun a Glion davart il luf

Nus essan gia uss activs cun informazioni. Aschia ha liug a Glion ina sera d'informazion ed orientaziun (mira finiastra). Suenter l'informazion sa vegnir discutau. Quell'occurrenza ei aviarta per tut ils interessents e duei porscher ina comunicaziun clara, aviarta e constructiva. Nus havein leschas che dattan a nus la rama. Quellas leschas valan per tuts pertuccai.

Lufs giuvens ein marvigilius

Con stretgs ei il contact cun puras e purs insumma e co funcziona l'in-formaziun?

En ina seria da contribuziuns presenta la FMR entgins aspects che pertuccan il luf. Quella ei vegnida lantschada cull'intervista cul fotograf Peter Dettling che sefatshenta dil luf dapi 16 onns. Ella secunda part ei David Gerke dalla Gruppa Luf Svizra vegnius a plaid. Ell'ediziun dad oz rispunda il guardiaselvaschina Arnold Caminada a pliras damondas actualas che pertuccan il luf. La seria stat era en connex cugl arranschament public davart il luf gliendisdis, ils 27 da schaner 2020 allas 20.00 ell'aula a Glion. A quel refere-schan il cau dugl Uffeci per catscha e pesca dil cantun Grischun Adrian Argiunt sco era Jan Boner ch'ei incumbensau per la protecziun dallas muntaneras dil cantun Grischun.